

四川通志卷五十六

輿地志 五十五

古蹟 九

綏定府

達縣 附郭

通川故城今縣治

一統志後漢分宕渠東境置宜漢縣晉南渡後又嘗僑置宣

漢縣分屬南宕渠魏興郡而此其故縣也劉宋置

巴渠郡治此後魏改縣曰石城隋改通川皆為州

郡治明初省入明統志謂廢縣在府西三十里元

省入誤附唐元稹詩平生欲得山中住天與通川

繞郡山睡到日西無一事月儲三萬買教閒鄭谷

通川客舍詩奔走失前計淹留非本心已難消永

夜况復聽秋霖漸解巴兒語誰連越客吟黃花徒滿手白髮不勝簪

三岡廢縣在府西南四十里

寰宇記本宣漢縣地梁大同二年於此置

新安郡兼立三岡縣因邑界山有三隴為名後魏廢帝二年改新安為新寧郡隋開皇三年罷郡以

縣屬通川郡唐寶歷元年山南節度使裴度廢大中五年復立宋志熙寧六年省隸通川

永穆廢縣在縣西北

一統志漢宕渠縣地後漢宣漢縣地梁大同中置永康

縣并置萬榮郡隋開皇初郡廢十八年改曰永穆屬清化郡唐武德二年置萬州貞觀初州廢縣屬

通州宋屬達州咸平二年改曰永睦元至元二十二年省寰宇記在府西北七十五里

思來廢縣在縣北

一統志唐五德二年析通川縣置屬通州貞觀二年復廢

石鼓廢縣在縣東

一統志漢宕渠縣地後漢宣漢縣地梁置石鼓縣西魏置遷

州後周廢州置臨清郡隋開皇初郡廢縣屬通州
郡唐屬通州寶歷初省大中元年復置宋屬達州
寰宇記在府東六十里以縣東五十里江次有大
石號石鼓而名九域志熙寧七年省入通州
閬英廢縣在縣北一百二十里寰宇記唐天寶九
年太守韋虛受奏
於應水南一里置縣以縣南五里閬英山爲名宋
乾德五年并入石鼓

太平廢縣在縣西舊唐志武德二年置諾水廣納
太平恆豐四縣屬萬州貞觀元
年廢太平恆豐二縣入永穆

抽茶場一統志在縣南元統志宋時陳弁朱肱
余應求李升韓均皆以言事切直謫監達
州茶場時目爲五君子

丁溪館在縣南附唐元稹丁溪館夜別李景信三
首月濛濛兮山掩掩束束別魂眉

興也
古蹟
援定府二

山
卷三
二
歛歛螽蟻覆時天欲明碧幌青燈風灩灩淚消語
盡還暫眠唯夢千山萬山險水環環兮山簇簇
鳥聲聲婦人哭離牀別臉睡難開炮燈暗飄珠
蔕山深虎橫館無門夜集巴兒扣空木雨瀟瀟
鷓鴣咽咽傾冠倒枕燈臨滅倦僮呼喚磨復眠
雞拍翅三聲絕握手相看其奈何奈何其奈天明
別
六相樓在府治內唐李嶠李適之劉晏韓滉元稹
宋張商英皆嘗官於此後皆入相故以名樓舊在
泮池側明嘉靖中移於學宮講堂前

鐘鼓樓在縣北巖

附縣無名氏記吾州舊有夜聽北巖鐘鼓響之句志載之北巖

在城北寺卽以名其鐘鼓之聲意卽指寺之鐘鼓
也流賊之變城野家屋廬場焚滅皆盡寺亦廢北
巖惟荆棘鐘鼓不知何處矣今之甲午三月六日
夜半忽有若鐘鼓之聲來城內越一夜皆然又一

夜又然其聲若北來聽之在北巖寺人相與往視之荆棘耳無一有一時人驚喧傳神異舊北巖寺鐘鼓響之句志載之始知其非鐘鼓也蓋神異云或曰寺之滅久矣人欲其興之也而懼其難從於是假之鐘鼓之聲以動誘之果然乎或曰果鐘鼓也有跡可睹矣石鐘石鼓生而成之在巖上其聲宜然也今使有人焉舉戚里之鍾須密之鼓列之廣莫無人之鄉欲其鳴之得乎又使黃帝之鼓當雷霆不戮夔革而驅版泉之師採九山雞頭空峒泰岱之石爲之其爲鐘之屬舉咸陽所有不銷天下之兵與金人竝鑄而亦爲之以石鳴乎不鳴乎不然如此之石鐘石鼓使有人焉如古之烏獲操雷獸之骨下莒城之關擊之此鐘與鼓鳴之然乎不然乎吾知其不然矣若是則爲神異無疑而神之爲此異也何故哉夫神之所以貴者以其道之有不可知者也而貪爲其不可知之道以詭人亦奚貴之有然神之道神自知之人自不知也神自知之人自不知也所以爲人人自不知之神自知

之所以爲神也則神之爲此也何故正有故矣若夫假爲神異者有之彼誠不憚矯誣故神師之以破強敵大人之跡牛腹之書以愚天子若此類不可勝記而銅狄涕淚社木能言又有自來總之神異之故卽其假之也亦總之以神異之故雖其假之神異自在矣北巖寺叛自唐之天寶年以今之鐘鼓度之唐之叛寺亦正有因而今日之鐘鼓亦正可想見寺其興與從昆弟視予毘陵爲予言因記之如此

雙清閣在縣南濱江宋政和中州守王蕃建取杜甫詩心迹喜雙清句爲名

清風堂在府治

一統志宋張俞作通川十詠蓋慶歷中知州申恪治郡圃可遊者

十今之清風堂休沐堂琴亭遊觀皆非其舊矣

中和堂在縣南宋建後更名凝香又有雲錦勤繼
清陰三堂

勝江亭在縣西三里宋郡守王蕃建取唐曰居易
詩通州猶似勝江州之句以名

有斐亭在鳳凰山白崖下萬竹叢生嘉靖時知州
趙鳴鳳建

爛柯亭在縣北三里鳳凰山上

凝翠亭在翠屏山下

憂雲亭在縣南巖西畔下瞰江流周覽城邑唐元

積爲司馬時建

國朝嘉慶二年署知州黃銑重建十八年知府余永寧

重修

附縣無名氏記吾州城之南隔一水有翠屏山舊有亭在其上名戛雲亭亭今亡矣惟名

之存而名之義莫識所以戛之爲言蓋樂工之所
以播之器而乍出乎聲者也與搏拊之類等施之
於雲與近代之所云聽鏡讀畫者何異夫鏡可聽
乎畫可讀乎則雲可戛乎其名則雅吾竊憶之
矣吾州當盛時俗頗好遊每歲元旦後一日卽出
遊焉至十五六日乃止亭在山渡浮橋而上顧見
烟火紛繁城郭府第宮廟朱樓高閣輿馬奔騰冠
蓋相望亭之處又最高人無不趨高者鼓歌競作
于喁連聲狂客酒徒喧囂滿路自下聽之如雲中
流響戛然而鳴日之夕矣尙未已也夫絲竹之籟
落之人者也有似絲似竹者落之人而不盡落之
人不盡落之人則不得盡以落之人者言之也茲

之鳴也不得謂之絲竹不得謂之非絲非竹其鳴之也固憂然而鳴者在雲中之流響則其鳴之也固憂之乎雲中者矣吾憶斯亭也謂是哉謂是哉亭之窺不知何時其毀也亦不知何時相傳州之科名以宋盛每有五色雲起於此山爲異兆必有驗有州守以事禍州叛亭於其上壓之今父老或云壓雲亭也考新都作內江題名記在宋之蜀會元七人內江得其五州二焉爲楊宸史元一國朝不逮宋而亭毀不再作其云然豈其然乎予在毘陵從毘弟來相與述往事嘆息作之記

垂楊臺在府治宋時所築臺之下有鮮遊池叢石

山修竹園躑躅園

東鄉縣

東鄉故城在縣東北

隋志西魏置石州後周廢州置三巴郡開皇初郡廢寰宇

記在府東北一百七十里西魏置於益遷下蒲兩水間卽今縣也兼置石州周天和四年廢州仍於故州城置三巴郡唐武德三年於此置南石州又置下蒲昌樂二縣以屬之八年又廢南石州及昌樂下蒲二縣仍移東鄉縣治於今縣東一里安養故城按九域志在府東北一百八十里蓋宋初復還舊志明正德中復置去府甚近以寰宇記考之今縣乃唐石鼓縣北境西魏故縣當在今縣東北中後二江之間也又隋志東鄉縣下但云西魏置石州後周廢州置三巴郡寰宇記多與隋志不同伯王城在縣北六十里相傳爲漢樊噲屯兵所築

下蒲廢縣在縣西北

一統志劉宋置屬巴渠郡隋開皇三年廢入東鄉唐武

德三年復析東鄉縣置屬南石州八年仍省入

昌樂廢縣在縣東北

一統志唐武德三年析東鄉縣置屬南石州八年省入

石鼓〔九域志〕巴渠縣有昌樂鎮卽此

巴渠廢縣

〔一統志〕在縣東北本漢宣漢縣東境劉宋置巴渠郡並置巴渠縣屬之以境

在巴川宕渠間故名隋開皇初廢唐永泰元年又析石鼓四鄉置屬通州太和三年改屬開州四年改屬通州宋屬達州元至元二十二年省入達州〔寰宇記〕縣在達州東二百三十里東關水北五十步〔按〕宋齊志巴渠郡皆領巴渠縣〔寰宇記〕謂梁大同中置誤

觀風亭在縣北知縣邵苾建

來鹿亭在縣治東明建今圯

〔附〕明陳柏記吾鄉見塘陶子少有雋才視

一第可俯取者屢試於南宮竟屢蹶焉乃以祿仕司教於歸安數閱月而教聲大振直指使者列其狀於薦剡遂擢爲東鄉令東鄉在夔之萬山中陶子不鄙其地乃著令更化未期年而民俗丕變已

久課士宣教再逾年而教聲大振由是東邑之政
且甲於中州矣又顧文廟學宮隔在江界豈惟釋
菜之禮瞻拜不便卽諸生肄業者靡有寧所殊失
居肆之義乃謀遷之城會予仲子奉命督學西
蜀移文以請遂得允如議是日方築學基爰有文
鹿自外而入徐徐然若來儀者陶子移書漢上以
其事聞於蘇山逸史且問予曰此何徵也予乃考
古以對因復曰是有三足徵者昔漢鄭宏爲臨淮
太守每出行春則有雙鹿夾轂而行後爲太尉此
爾令尹之徵也又辛公又少治春秋學詩與易隱
居宏農山中華陰弟子受業者六百餘人所居旁
有鹿甚馴殊不畏人且逐鹿之說高才捷足者應
先得之此又博士暨弟子員之徵也卽以其說勒
之豐石作來鹿亭記與東鄉多士驗焉黃元柏記
陶侯修東鄉學成山人記之矣已乃諸士復記來
鹿亭夫鹿一獸爾窟非文澤場非町疇胡爲乎其
來也且來矣亭何爲者蓋鹿來城中異也至於學
又異也况修學築基之始不尤異乎哉夫瑤光之

精徵而爲鹿千年而花五百而白再五百而元乃
爲上瑞非羣獸倫也考瑞應圖曰夫鹿應瑞之獸
王者孝道乃至以是知鹿爲何來來則爲瑞且亦
不甚數惟孝乃至茲學也胡爲乎其來也或曰感
在陶侯而瑞在學也聞陶母苦節侯純心事之楚
以孝聞鳩且堂矣安知鹿不鳩若歟而今之學固
昔之堂也而神所感者皆神也濟濟多士進業有
所吾見其爲學也朝而勤夕而惕相摩而善相觀
而化行且坐紫微垣歌鹿鳴而起也吾方以上瑞
望諸士諸士亦以上瑞自期庶幾乎無負於鹿之
來也以故曰感在陶侯而瑞應在學也信也諸士
唯唯遂爲記陳柏詩咨爾文鹿義徵景福內智有
融文采郁郁昔在漢時行行夾轂今茲之出千載
同軸兆爾茂宰永綏多祿咨爾文鹿其毛翩翩况
茲學宮其基方築爾之來儀若或有卜爰應博士
同升有服况爾賢令義兼師牧咨爾文鹿爾非凡
畜况茲東鄉雄視西蜀濟濟多士定非碌碌既有
高才寧無捷足誓與中原畢力共逐一朝奮庸同

登賢錄願爾多士應我佳祝

插劍池在縣北五十里

趙公井在縣西明末知縣趙德遴死難處

新寧縣

新寧故城在縣東

舊唐志武德二年分通川置新寧縣治新寧城貞觀八年移治

淙城寰宇記縣在通川東一百七十五里西魏廢帝二年於此置開州後周天和四年移開州於濁水北唐貞觀八年自今縣西北移魏所置新寧縣於廢開州城俗謂之賓城卽今理也故城在縣西北十里後魏恭帝二年立按宋會要至道二年移新寧治新安市王存九域志在府東一百十里蓋宋時又移今治舊志今縣東三十里有舊縣垣兩石獅猶存是也

東關故城在縣西北十里

一統志本漢宣漢縣地屬巴郡後魏改爲石

城梁於縣置萬州及東關郡隋開皇三年罷寰宇記東關故郡城在縣西北五十里

李靖堦在縣西

元統志唐武德時蠻酋冉肇則寇信州李靖擊斬於此府志在縣西

二十里與金山相接

愧竹臺

舊志在縣治後知縣胡明書修

萬柳書齋在縣西明邑人趙鼇罷歸時建此吟誦

其閒

渠縣

流江故城今縣治

隋志宕渠郡梁置渠州治流江縣魏置又置流江郡開皇初郡

廢大業初改置宕渠郡寰宇記梁普通三年於漢宕渠縣西南七十里置北宕渠郡卽今州是也大
同三年於郡理置渠州後魏文帝十三年其地內
屬仍舊爲渠州領北宕渠郡至後周武成元年改
北宕渠郡爲流江郡理流江縣舊志唐武德初復
改曰渠州宋元皆因之明初改爲渠縣省流江入
焉在縣北十里

宕渠故城

一統志在渠縣東北漢置華陽國志宕渠郡延熙中置九年省晉永興元年

李雄復置今遂爲縣寰宇記漢宕渠郡卽今流江縣東北七十里故城是也其城後漢車騎將軍馮

緄增修俗名車騎城李壽亂後地爲諸獠所侵郡縣悉廢宋末又自漢宕渠移理安溪故城舊志按

宋郡治安漢曰南宕渠者以安溪在宕渠之西南也尋又於墊江置郡曰東宕渠者以墊江在安溪

之東南也梁復於故宕渠地置郡曰北宕渠者以故宕渠在安漢墊江之東北也又有西宕渠在射